



Chuig: Údaráis Bhainistíochta Scoileanna Dara Leibhéal

Teidil Shainordaithe don Obair Dhialainne san Oideachas Reiligiúnach don Teastas Sóisearach 2006 agus 2007

1. Tugadh siollabas nua isteach don Oideachas Reiligiúnach ar bhonn céimnithe i Meán Fómhair 2000 agus scrúdaíodh é den chéad uair i scrúdú an Teastais Shóisearaigh 2003.
2. Cuireann an siollabas in iúl go mbainfidh dhá ghné leis an measúnacht ar Oideachas Reiligiúnach – (1) páipéar scríofa ceannchúrsa, agus (2) obair dhialainne. Eisíodh na teidil don obair dhialainne do Scrúdú an Teastais Shóisearaigh 2005 agus 2006 le Ciorclán S78/04. Tá na teidil don obair dhialainne do Scrúdú an Teastais Shóisearaigh i 2007 ceangailte de seo, mar atá na teidil do 2006.
3. Tá na teidil seo comónta ar an nGnáthleibhéal agus ar an Ardleibhéal. Iarrtar ar mhic léinn obair dhialainne a chur isteach ar **aon teideal amháin**.
4. Déanfar measúnacht sheachtrach ar an ábhar ar an nGnáthleibhéal agus ar an Ardleibhéal. **Tuillfidh an obair dhialainne, ar an dá leibhéal, 20% de na marcanna. Tabhair faoi deara go sáraíonn an t-alúntas marcanna seo an ceann atá tugtha sa siollabas don Oideachas Reiligiúnach.**
5. Agus iad ag dul i mbun obair dhialainne, is féidir do mhic léinn oibriú i ngrúpaí nó cuairt a thabhairt nó fiosrúchán a dhéanamh mar rang iomlán. Ní mór do gach mac léinn, áfach, dialann indibhidiúil a chomhlánú agus a chur isteach le haghaidh measúnachta.
6. Tá treoirlínte maidir le dul i mbun obair dhialainne le fáil i *Oideachas Reiligiúnach – Treoirlínte do Mhúinteoirí* a eisíodh i mí an Mheithimh 2001.
7. Ní mór an obair dhialainne a chur isteach i bhfoirm chaighdeánach i leabhrán a chuirfidh Coimisiún na Scrúduithe Stáit ar fáil chuige sin. Cuirfear an leabhrán ar fáil do mhic léinn atá ag déanamh an scrúdaithe i 2006, i mí na Samhna 2005. Cuirfear an leabhrán ar fáil i 2006 do mhic léinn atá ag déanamh an scrúdaithe i 2007.
8. Cuirtear an ciorclán seo, le do thoil, agus liostaí na dteideal obair dhialainne atá ceangailte de, ar a n-aird do mhúinteoirí a mbaineann sé leo.
9. Cuirtear cóip, le do thoil, den chiorclán seo ar fáil d'ionadaithe cuí tuismitheoirí agus múinteoirí lena cur ar aghaidh go dtí tuismitheoirí agus múinteoirí indibhidiúla.

Teidil Shainordaithe don Obair Dhialainne san Oideachas Reiligiúnach don Teastas Sóisearach 2006

Tugtar dhá theideal do gach roinn den siollabas. Roghnóidh mic léinn ceann amháin as an liosta seo a leanas:

Roinn A. Comhluadair Chreidimh

- a.1 Iniúchadh ar eachtra as scéal bunúis a bhaineann le ceann **amháin** de na reiligiúin dhomhanda seo a leanas agus a thábhacht dá chuid lucht leanúna inniu – an Búdaíochas, an Chríostaíocht, an Hiondúchas, an tIoslamachas, an Giúdachas.
- a.2 Iniúchadh ar an ngairm chrábhaidh mar ghlaoch chun freastal i gcomhlúadar creidimh inniu

Roinn B. Bunús Reiligiúin – an Chríostaíocht

- b. 1 Iniúchadh ar phointe coimhlinte i saol Íosa agus an tábhacht a bhaineann leis dá lucht leanúna inniu
- b. 2 Machnamh ar an suntas a bhaineann le béile na Cásca Giúdaí i gceiliúradh Íosa ar an Eocairist ag Séire an Tiarna (an Suipéar Deireanach)

Roinn C. Bunús Reiligiúin – Mór-Reiligiúin Dhomhanda

- c. 1 Próifíl d'áit oilithreachta i gceann **amháin** de na reiligiúin dhomhanda seo a leanas - an Búdaíochas, an Hiondúchas, an tIoslamachas nó an Giúdachas
- c. 2 Tráthanna naofa i gcaitheamh na bliana do chreidmheach i gceann **amháin** de na reiligiúin dhomhanda seo a leanas - an Búdaíochas, an Hiondúchas, an tIoslamachas nó an Giúdachas

Roinn D. Ceist an Chreidimh

- d. 1 Próifíl den dearcadh atá ag duine óg ar na hathruithe ar phatrúin den chreideamh reiligiúnach agus de na cleachtais reiligiúnacha in Éirinn inniu
- d. 2 Iniúchadh ar íomhánna de Dhia mar a chuirtear in iúl iad i ngné **amháin** den chultúr comhaimseartha – ealaín, litríocht, ceol, etc.

Roinn E. Ceiliúradh an Chreidimh

- e. 1 Staidéar ar ghnéithe den deasghnáth agus adhradh á dhéanamh
- e. 2 Machnamh ar an siombalachas a bhaineann le deasghnáth ionadachta i gcomhlúadar creidimh

Roinn F. An Dúshlán Morálta

- f. 1 Plé a dhéanamh ar an tionchar is féidir a bheith ag fíis mhorálta reiligiúnach duine ar a f(h)reagairt do cheist chóra
- f. 2 Próifíl de na dearcaidh reiligiúnacha ar an maithiúnas

Teidil Shainordaithe don Obair Dhialainne san Oideachas Reiligiúnach don Teastas Sóisearach 2007

Tugtar dhá theideal do gach roinn den siollabas. Tig le mic léinn **ceann ar bith** a roghnú as an liosta seo a leanas:

Roinn A: Pobail Chreidimh

- a. 1 Suirbhé ar an obair a dhéanann **dhá** eaglais nó **dhá** eagraíocht reiligiúnacha nó **dhá** ord reiligiúnacha i gcomharsanacht in Éirinn inniu.
- a. 2 Próifíl den chaoi a bhfuil **dhá** shainchreideamh Chríostaí ag obair le chéile i bpobal.

Roinn B. Bunús Reiligiúin – an Chríostaíocht

- b. 1 Soiscéal Lúcaís. Rianaigh an fhorbairt ón traidisiún béil go dtí an focal scríofa.
- b. 2 Smaointe ar Ghiúdachas Íosa.

Roinn C. Bunús Reiligiúin – Mór-Reiligiúin an Domhain

- c. 1 An chaoi a n-insítear scéal mór-reiligiúin dhomhanda amháin. Rianaigh an fhorbairt ó thraidisiún béil go dtí traidisiún scríofa i **gceann amháin** de reiligiúin an domhain – an Búdachas, an Hiondúchas, Ioslam nó an Giúdachas.
- c. 2 Próifíl den leathnú atá déanta ag **ceann amháin** de na reiligiúin dhomhanda seo a leanas – an Búdachas, an Hiondúchas, Ioslam nó an Giúdachas.

Roinn D. Ceist an Chreidimh

- d. 1 Creideamh – glaoch chun an bheatha a chaitheamh ar shlí áirithe. Staidéar ranga ar phearsa chreidimh **amháin** a luaitear le scéal cheann amháin de na reiligiúin dhomhanda seo a leanas – an Búdachas, an Chríostaíocht, an Hiondúchas, Ioslam nó an Giúdachas.
- d. 2 Fiosrúchán ar na tionchair ar chreideamh reiligiúnach an aos óig inniu.

Roinn E. Ceiliúradh an Chreidimh

- e. 1 Scrúdú ar an rinnfheithreamh (*contemplation*) mar chineál urnaí i dtraidisiún reiligiúnach.
- e. 2 Anailís ar thábhacht na páirtíochta, mar ghné, in eispéireas adhartha.

Roinn F. An Dúshlán Morálta

- f. 1 Taiscéaladh rudaí a fhéadfaidh dul i bhfeidhm ar dhuine agus cinneadh á dhéanamh maidir leis an maith agus leis an olc.
- f. 2 Staidéar ar an méid atá i gceist i bhfás duine chun aibíocht mhorálta.